

ESSO FEATHERS FESTIVAL GRUPO DI AÑA

S-United, Kids of Fame y Fontein Stars, bandanan di aña

ORANJESTAD(AAN)—E parada di carnaval e aña aki na Playa, mescos cu esun na San Nicolas tabata mas chiquito cu di aña pasa cu tabata aña di lustro di carnaval manera ta conoci, pero locual e 30 gruponan participante a presenta cune e aña aki a duna Aruba un carnaval masha satisfactorio, considerando tambe e expectativa cu tabata tin debi na e situacion financiero di nos isla.

Esso Club e aña aki a resulta e grupo di aña di Carnaval 1985, y den musica, S-United a haya e premio di banda musical di aña, Fontein Stars a logra e premio di steel-

band di aña y Kids of Fame a bira e brassband di aña di carnaval 1985.

E parada a resulta mas grandi y mas bunita cu a ser spera. E aña aki tabata e grupo di Esso Club, Feathers Fantasy cu a brilla, mientras cu tabata tin varios grupo bunita mas, manera di Lee Tai cu su cuadronan, Pa Tin Pret cu Tribes of America tambe gruponan di selva manera Sheen & Beaty of the Jungle y tambe Jungle Fantasy, Moulin Rouge di Savaneta, Galaxie on Fire, Roaring Twenties di Caribe cu tabata e gruponan cu a trece colorido den e parada, hunto cu Los La-

ga Bay y Wantombanan.

Tipico tabata Nos Cosecha di Club Caiquetio, Grupo Folklorico di Colombia y Aruba di Antaño cu tambe a sobresali mescos cu Negrita Trucutu, Daiquiri, mientras cu den fantasia por mencionan tambe Sewing Fantasy, Happy gang di Savaneta y varios individual

Marinierskazerne e aña aki tambe a cosecha exito cu su Boeren en Boerinnen y den comico por a ripara cu esaki a aumenta Aiky Croes y su Crazy Team a sobresali cu nan carosa un biaha mas cu matrimonio den prison, dunamento di luz den prison y huymento di

presonan, mientras cu e grupo di Nando Kock, School Medicus Status, Transplantus Apartus 1996 e aña aki tambe tabata tin su exito, y por a mira grupo Daiquiri no.1 cu a sorprende tur hende y tambe esun no.2 cu su grupo, Mara Barica Dera famia, Razia ariba turistanan di profesion bieuw, y Happy Gang cu a yuda pone risa den e parada.

E aña aki, tabata gruponan di San Nicolaas, manera, Esso, Pa Tin Pret, y otronan varia, Savaneta cu Moulin Rouge, Lee Tai especialmente cu su cuadronan di Santa Cruz y vecindario, Caiquetio, Marinierskazerne cu a sa-

ca cara di carnaval di Playa. Di Oranjestad mes masha poco grupo tabata tin y tabata Caribe so cu su Roaring Twenties cu a saca Cara di Oranjestad den e parada aki hunto cu Colegio Arubano cu e wantombanan.

Aruba a goza di un bon carnaval un biaha mas y ta ser spera cu e aña aki lo ta e aña cu lo habri fantasia di hopi organizador di grupo, pa den añanan venidero bini cu mas grupo, mas creacion y fantasia tambe, ya cu a ser demostra cu no mester di gasta na grandi pa por tin un grupo bunita y hasta luoso.

BANDA DI LADRON CAPTURA RELACIONA CU MAS DI 70 CASO

Mayoria ta studiantenan di St. Eustatius

ORANJESTAD(AAN)—Siman pasa, Lago Colony a ricibi bishita di ladron manera nunca antes a yega di sosode den su historia.

Den un anochi so, ladronnan a saque 12 cas di e bario aki, y hasta a bay cu pañanan di bisti di e hendenan.

Investigacion a cuminsa mes ora, te cu recherche a pone man ariba un sospechoso di ladronia den un cas na Watapana Gezag.

E persona deteni tabata D.T.J. di 18 aña kende a cuminsa papia manera lora y a menciona di ladronia na Seroe Colorado y asina e investigacion a sigui lora manera un wiel y detencionnan a cuminsa cay tras di otro.

A ser deteni 13 persona pero debi na espacio pa cera hende, tin ainda 7 otro den libertad, y ta ser spera cu ora detene esakinan, lo bay cay mas nomber y mas persona lo ta envolvi.

Esnan cu a ser deteni ta D.T.J. di 18 aña, KRR di 20 aña, RG di 18 aña,

CLC di 16 aña, WUR di 18 aña, GFB di 19 aña CNVM di 18 aña, CAS di 22 aña, DAJ, ruman di DTS di 19 aña kende hunto cu su ruman tin record caba na polis, KAC di 17 aña WKR di 16 aña, MOR di 14 aña y EAJ di 19 aña.

Mayoria di nan ta studiando sea na LTS, MAVO y MTS y ta di St. Eustatius. un ta di St. Maartin y dos otro no ta estudiante.

E grupo a admitti 70 robo en total.

Den Sero Colorado di luna pa diamars siman pasa tabata tin 13 cas cu a ser saquea pero nan a admitti un total di 17 ladronia for di casnan den Sero Colorado, y dos den Esso Club.

E grupo a admitti 13 caso di ladronia den Golf Club, 38 ladronia den casnan na San Nicolas y vecindario. DTJ a admitti 37 kiebra en total.

E grupo aki tabata comete nan ladronianan for di 1983 pa awor aki segun por a saca afo di e declaracionnan duna te

awor.

San Nicolas a ser libra asina pa e grupo di recherche cu a traha ariba e caso aki, di un pandilla grandi di ladron.

En total e pandilla aki a horta entre 70 y 100 mil florin na articulo den e robonan, y esun di Watapana Gezag cu a tuma lugar diamars mainta si man pasa tabata di 10 pa 15 mil florin na hoyas.

Parti di e articulonnan a ser scondi den mondi y dera na varios lugar, parti warda den varios cas como deposito y otronan a ser barca pa exterior, mientras cu tin articulonnan cu a ser bendi tambe.

Tabata tin di e ladronnan cu a ser deteni na momento cu nan tabata tin articulonnan horta na nan curpa, manera prendanan y hasta pañanan cu nan tabata tin bisti.

Ora cu nan a ser confronta cu un señora doño di articulonnan cu a ser horta den su cas, e señora hasta a reconoce su carson cu tabata na curpa di un di e ladronnan. Esaki a baha cabez mes ora

cu e señora a laga sa cu e carson cu e tin bisti ta un unisex di dje.

Nan tabata drenta Sero Colorado bulando muraya parti pariba di Lago Heights, pasa mei mei di e tankinan y asina bay den e bario, sin ser descubri pa polis di Lago. Na e mes manera nan tabata sali cu e articulonnan horta.

Por a mira ayera T-shirt nan di carnaval di Moon-dogs, Esso Club, Canal 90 Tribilinchí, Varios bicicleta cu nan a demonta caba, taperecordernan, aparatonan di video completamente nobo y set completo, aparatonan di CB, vario herment y boor machine, varios radio combinacion cu casette y tambe tocadisco, camera, hasta aparato di dentista, holoshi, cadena renchi y hanger na cantidad, cassette recordernan y playernan nobo, varios bril, varios telefon portatil, pa menciona un parti masha chiquito di locual nan a horta den e 13 casnan den Sero Colorado.

E investigacion no ta

termina ainda y ta ser spera cu den e dianan venidero lo pone man ariba e otro complicenan cu mester wordo deteni ainda, y tambe lo por bini mas acerca.

CONT. DI PAG. 1

terior. Esaki ta algo cu masha bon comentario a ser ricibi di dje e aña aki di parti di hopi participante.

E animacion den Vondellaan no tabata di e grandi ey e aña aki, manera den pasado, y den Lloyd G. Smith Boulevard tabata tin hopi caminda cu buracan grandi entre e gruponan y silencio tambe di parti di musicantenan na momento di descanso.

No tabata tin bringamento na cantidad manera añanan anterior tampoco, y mas bien por bisa cu polis no mester a actua mucho den caso di pleitamentonan tampoco e aña aki.

E respet pa orden di polis tabata existi tur caminda y hasta tabata tin caminda cu polis tabata ser elogia pa mirones, pa e manera cu nan tabata actua, especialmente den Vondellaan.